



# Arubaanse Courant

ANJA 25

diabierne 3 januari 1964

No. 4930

## 1963: Anja mas sigur di Lago

### 12 September record nobo?

San Nicolas, 3 Januari

Na cambio di aña directiva di Lago a bebe un brindis extra. Tabatin mas cu motibu tambe pa ta contento y orgulloso: 1963 pues tabata e aña di mas "safe" den e 34 aña di historia di Lago na Aruba. Unicamente dos accidente di trabao a worde nota, cu tabatin resultado cu e personanan involvi no por a sigui traha pa e momento.

Door di e exito importante aki, e cifra di index di seguridad di mas abao te na e momento, esta 0,34 di aña 1961, a worde haci menos te 0.27. Un di e promer hechonan di president W.A. Murray den e aña nobo tabata felicita tur e empleadonan y nan hefe y gradici nan pa e exito, cual a bolbe prueba, cu Lago entre su igualnan, atrobe tabata e compania di mas segura na mundo. Ya ta casi sigur pa insidernan, cu e cifra di index di 0.27 di Lago, atrobe a bolbe duna e compania e titulo di campeon den e concurso di seguridad di e National Safety Council di Merca. Esaki anto ta e di siete biaha cu Lago ta obtene e titulo aki.

Na aña 1963 e empleadonan di Lago a traha hunto mas cu 8 million ora. E periodo di mas largo den e aña aki, den cual ningun accidente na trabao a tuma lugar, cual a resulta cu e persona(nan) involvi no por a sigui cu nan trabao pa e momento, tabata for di dia 3 di Juli te dia 31 di December ultimo, ora cu den 182 dia 3.601.806 oranan "safe" a worde traha. Pero esaki no ta un record pa Lago (ainda) como cu na aña 1957, pa ta exacto, entre 8 di December 1956 y 5 di Juni 1957 loke ta trata di esaki tabatin un mihor record, ora cu a worde traha 6,879,296 ora conunto sin ningun accidente serio di trabao. E cifra aki ta e record pa Lago. E record mundial ariba e tereno aki pa racionalidad di e clase di Lago a na e momento den man di Texaco na Port Arthur, Texas cu entre 22 di September, sin cu un empleado a hanja un accidente serio pa motibu di cual e no por a sigui traha. Pero no kier meen cu un empresa cu tin tai record ta e empresa di mas "safe", como cu por ehemplo si sosode cu tras di otro algun desgracianan serio tuma lugar, anto apesar di e millones di oranan cu a worde traha "safe"; e record di aña lo no a di e bunita ey. Loke ta trata di Lago mester worde bisa cu e 3.601.806 te ainda ta aumentando desde 31 di December 1963.

Naturalmente cu e aumentacion aki no ta bayendo asina rapido manera na 1949 ora cu 8.000 empleado diariamente tabata traha 20.000 ora pa dia., pero toch e oportunidad pa kibra e record di Texaco no ta menos cu na aña 1949. Unicamente e ta dura mucho mas awor. Si e empleadonan di Lago logra pa traha algo mas cu mita anja sin ningun accidente serio anto ariba

di 254 dia di aña 1964 Texaco lo no ta asina contento, como cu ariba e isla chiquito den Caribe cu yama Aruba su record a worde torpedea. Esaki lo ta dia 12 di September venidero!

17x3

E aña aki anto lo ta di 7 biaha cu Lago, cu ya 33 aña consecutivo ta tumando parti na e

concursonan di seguridad di National Safety Council, lo trece e trofeo di campeon pa Serco Colorado. Alavez e cantidad di mencion honorable di N.S.C. pa motibu di mas cu 3 million ora

**FATUM** - Tel: 1845  
pa tur bo aseguronan

### Esposa ta mata su casa durante pleitamentu.

San Nicolas, 3 Jan.

Awe marduga pa mas o menos mitar di un 'or un suceso tragico a tuma lugar na Esso Heights na San Nicolas cu a costa bida di e homber di 27 anja J.K. Caines. Durante un pleitamentu entre Caines y su esposa B.L.A. cu kende e tin tres anja casa. E ultimo aki a dal su esposo cu un obheto skerpi na su garganta, causando asina un herida mortal. Despues di e suceso aki B.L.A. a bai warda di polis pa duna cuenta. Inmediatamente polis a bai pa e cas di e victima

pero na jegada ya esaki a sangra asina tantu cu asistencia medico tabata en vano.

Nan a transporta e victima pa hospital y entretantu e esposa B.L.A. a keda detene, pendiente di e investigacion hudicial.

Despues nos a worde informa, cu B.L.A. a declara cu su esposo a atake prome cu un hacha. El a logra evita e sla y e hacha a cai na suela caminda el a coge e na su turno a dal su esposo, causando e herida mortal.

di trabao conunto sin un accidente serio ("disabling injury") a aumenta te 17 gracia na e exito di 1963.!

#### Contrast

Un coëncidencia masha strañota, cu e record di seguridad di 1963 pa oranan di trabao cu a worde haci na Lago, ta cai hunto cu un aumentacion di inseguridad pafor di Lago. Desde 1962 Lago pues ta teniendo un campanja serio di seguridad pa haci e accidentenan cu e trahadornan di Lago ta hanja pafor di Lago y cu ta haci nan incapaz pa continua cu nan trabao pa e momento menos. Mientras cu e "off-the-job" cifra di index di seguridad di e empleadonan di Lago na 1962 tabata exactamente 19,29 na fin di November 1963 e cifra aki tabata caba mas cu esun di 1962. E score tabata e ora 28.03! Na e momento ey e accidentenan serio ("disabling") di empleadonan pafor di trabao a aumenta te 322, con-

tra di 261 na 1962. Esaki ta pafor di trabao 350!

Mas skerpi ainda e contrast ta bira ora cu pensa bon, cu net 1963 Lago a lansa un programa masha extenso pa propaga seguridad personal pafor di Lago, cu discursonan regularmente y tambe pelicularnan tocante di "seguridad" den tur dos e ciudadnan y tur distritonan afor. Asina ta parse cu e exitoso y continuo esfuerzo pa seguridad durante trabao tin un proporcion di menos atencion pa seguridad pafor di e wayanan di Lago. Apesar di e resultado di seguridad no muchu bon, off-the-job Lago lo continua pa duna e parti di seguridad aki di e empleadonan tanto atencion posibel.

Un medio popular cu Lago ta usa pa stimula seguridad pafor di empresa, ta e concurso di seguridad "off-the-job" entre e diferente departamentonan di e fabrica. Den esaki Public Relations Department tabata na cabes na luna di november ultimo cu un cifra di index di 0.0



Entre e tripulacion di Lakonia cu a jega Amsterdam diadomingo tambe tabata e eerste stuurman Angelopoulou, kende su casa y jiu ta-

bata na Hulanda. Na Schiphol e encuentro tabata conmovedor prome cu e familia a sali hunto pa Grecia atrobe.

## Conferencia di prensa di minister Dean Rusk

Washington, 3 Jan. Minister Mericano di asuntunan exterior, Dean Rusk, a bisa na un conferencia di prensa di ta spera cu e anja aki lo muestra algun berdadero desarme y adelanto importante riba terreno di medidanan contra atakenan di sorpresa.

Paz ta mas urgente pa humanidad, segun el a bisa. El a anuncia cu e paisnan occidental den e venidero simannan lo ocupa nan mes intensamente cu investigacion di iniciativa nobo relaciona cu e kestionnan di Berlin y Alemania. Rusk a acentua cu e mensahe di promer minister Chroesjef, cu nan a entreguele awe, ta trata di aregio pacifico di kestionnan territorial. Pero e no por a duna comentario riba e mensahe, door cu esaki no a wordu traduci ainda.

E minister mericano ta duda na un cambio den relacionnan mericano/chines. El a bisa cu no amira ningun cambio den e actitud Chines relaciona cu conveniencia pacifica cu restu di mundu.

## Merca lo-sigi yuda Sur Vietnam

Saigon, 2 Jan. President Johnson di Merca denunciar carta personal na general Docong Van Minh, lider di e coneho revolucionario militar di Sur Vietnam, a declara cu Merca lo sigui yuda Sur Vietnam den su lucha contra comunistanan.

Johnson ta bisa den e carta, cu personal y material mericano lo keda Sur Vietnam pa yuda logra victoria riba e comunistanan.

Gobierno Mericano ademas ta di opinion, cu neutralisacion di Sur Vietnam ta inacceptable tantu cu e regimen comunista na Noord Vietnam ta sigui cu su politica di agresion.

## TREILER FRANCES DEN DIFICULTAD

Den Haag, 2 Jan. E trailer frances "Yves Jean Gildas" a manda noticia cu el a pega na fondo dilanti di costa Sur West Inglatera y cu e tin mester di yudanza inmediata.

E gobierno mericano e ultimo dianan aki ta alenta pa e actitud calm y responsable dje tres potencionan cu tabata relaciona ne kestion Cyprus. E iniciativa Britanico pa trata pa separa e comunidanan Turco y Griego riba e isla, e ta llama altamente responsabel.

## Mensajenan pa cambio di aña

Johnson City, 2 Jan. President Johnson di Merca ta bisa den un mensahe en coneccion cu cambio di anja cu el a manda pa premier Chroestsjow y president Breznev di Union Sovietica, cu pueblo y gobierno di Merca apone paz como nan intento principal pa anja 1964. E progresonan cu ta worde logra riba terreno di ciencia, tecnica, y agricultura ta inutil si nos no por sinja biba hunto na paz, asina Johnson a bisa.

Tempu pa solamente papia tocante paz a pasa segun Johnson. Awor anja 1964 mester ta un anja di hechos.

Premier Chroestsjow ta papia den su mensahe dirigina Johnson cu e ta spera cu den anja venidero problemanan internacional lo worde soluciona y cu e relacionnan lo mehora.

## Novela radial a causa panico

KOPENHAGEN, 3 Jan. Un novela radial cu a worde transmiti ayera na radio Danes, y cu tabatin caracter di un transmision di noticia, a causa algun panico. E novela tabata conta di un cohete di espacio di un otro planeta cu a baha den Oceano Atlantico y cu a pone revolucion di mundu mengua, pero Ruso y Mericanonan a coopera pa cu raketnan bolbe trece e velocidad revolucion di mundu riba su nivel normal.

Aunque cu prome y despues di e revolucion a worde participa qu e historia tabata fantasia, toch tabatin hende cu bon pura a corre busca lugar di sconde. Den studio na Kopenhagen tabatin milles di yamadan telefonica di oyentenan cu tabata sumamente preocupa. Hasta tabatin yamadanan for di Oslo.



**BO  
TA  
SPAAR  
HOPI  
TEMPO**  
cu un  
**WASMACHINE  
AUTOMATICO!**

## CRITICA DI DR. JAGAN

Georgetown, 2 Jan. Dr. Cheddi Jagan, e prome minister di Guyana Ingles a declara na Georgetown cu nombracion di un comisario di eleccion pa Guyana Ingles door di Inglatera ta un berguensa pa e forma constitucional di e pais. Den un protesta por escrito dirigina gobernador di Guyana Ingles, Sir Ralph Grey, a ta bisa cu Guyana Ingles ta un territorio cu autodeterminacion cu ta responsable pa su asuntunan interino.

## OFENSIVA PACIFICO DI PRESIDENT JOHNSON

Johnson City, 2 Jan. Fuentenan autoriza na Casa Blanca a bisa awe, cu presidente Johnson ta decidido pa hiba un ofensiva pacifico continuo na anja 1964.

President Johnson parece a propone pa busca posibilidadnan nobo pa paz. E no ta kere cu Merca a keda den background durante un anja completo di eleccion. Pero parece cu na mes momento e kier mehora prontitud militar di Merca, asina e fuentenan aki a bisa.

## E DESGRACIA DI TREIN Y BUS NA CAIRO

CAIRO, 3 Jan Corantnan di Cairo ta anuncia, cu e cantidad di mortonan a consecuencia di e desgracia, den cual un autobus a dal den un trein djies pafor di Cairo, a bira 38, 36 Persona a sufri heridanan grave.

**DUE TO SPECIAL PARTIES THE  
KLOMPEN KLUB AND  
PAPIAMENTO ROOM  
WILL BE CLOSED TO THE PUBLIC ON  
SATURDAY JANUARY 4th.**  
We regret any inconvenience that may cause.  
**ARUBA CARIBBEAN HOTEL**



Na februari lo cuminsa na Dallas e proceso contra Jack Ruby, cu a mata Lee Oswald e probable asesino di president Kennedy. Aki nos ta mira Jack Ruby (centro) den combersacion cu su dos abogado, Joe Tonnahill (robez) y Melvin Belli.

Pa prome blaha desde hopi tempu Merca a logra gana e Davis-cup durante e weganan di tennis na Australia. Riba e portret nos ta mira Chuck McKinley kende a derrota John Newcombe y asina a logra e victoria definitivo. Su companjeronan ta hise na laira.





# Johnson kier pa Mericanonan worde mehor sinja

Washington, 3 Jan. President Johnson a declara cu ta urgente pa haci un cambio grandi riba terreno di enseñanza na Merca pa por keda baas dje problemanan dje siglo aki.

E president a bisa esaki den un articulo, scirbi pe corant dje asosacion Mericano pa esperanza. El a pone atencion riba e siguiente cifranan.

Acerca di 23 miljon mericano adulto no a hanja educacion secundaria.

Tres di cada 4 Mericano blacu ta obtene actualmente nan diploma di school secundaria contra solamente 40 por ciento dje Mericanonan di color. 6,3 Por ciento dje Mericanonan blacu riba 25 a hanja solamente 5 anja o menos di enseñanza di school contra 22, 1 por ciento di Mericanonan di color.

E president a bisa na final,

cu actualmente cu automisacion ta tumando pasonan asina grandi ta bira mas necesario pa obreronan pa sigui specializa den nan ofishi locual no tabata asina antes. Nan mester sigui specializa pa no wordu saca afor dje mercado obrerista.

## Mihor ideanan di november

San Nicolas, 3 Januari  
E comitee di Lago "Coin Your Ideas" a recompensá 21 empleado cu na luna di November ultimo a manda algun ideanan aden. E premio di mas grandi tabata pa senyor J.R. Koolman y srta. O.T. Jansen kendenan cada uno a hanja Fl 185,-. E suma total cu a worde paga pa e ideanan di e luna menciona ta Fl. 1.150

## N.A.C.A. ta tene reunion dia 9

Oranjestad, 3 Januari.  
En conecion cu cambiamiento di anja, "Nederlandse Academische Club Aruba, N.A.C.A., cual ultimamente a worde estableci, lo tene un reunion e luna aki, no ariba promer pero di dos Diamars di luna esta dia 9 venidero den "De Olde Molen".

## Tres cu trinta aña na Lago

San Nicolas, 3 Januari.  
Luna pasa tres empleado di Lago a cumpli nan 30 anja di servicio na e compania. Tabata senjornan Cristobal M. St. Jago, Marie J. Bommel y Hyacinthus J.V. Farro. E ceremonia tabata na encargo di senyor F.W. Switzer. E 14 cu a celebra nan jubileo di plata den presencia di señor F.C. Donovan como representante di directiva tabata S.E. Samson, J.R. Montnor, D.L. Nicolaas, J.W. Denton, W.G. Beyer, L. Werleman, J.G. Feliciano, F.M. Croes, J.L. Vaseur, P. Croes, L.A. Ponce, M.A. Winklaar, A.H. Scott y H.L. van Bochove.

## Candidatanan pa reina di carnaval di R.C.A.

Oranjestad, 3 Januari.

E candidatanan di R.C.A. cu tabata di desea pa tuma parti den e eleccion pa reina di carnaval di club aki por a inscribi nan mes serca e directiva te dia 31 ultimo.

Pero esaki ta bai otro cu e directiva a spera: dia 31 di december ainda ningun candidata a inscribi. Sin embargo e presidente John Merryweather ta yen di bon speranza. "Pa bisa berdad, mi a spera esaki un poco". Den nos club semper e accento tabata ariba actividadnan deportivo y ta te tempo pasa nos a cuminsa desaroya actividadnan social. Pero indudablemente R.C.A. lo tuma parti cu su propio reina na e carnaval venidero. Medio otro siman directiva lo descuti cual paso nan lo tuma awor.

Segun senyor Merryweather a sigura nos, e directiva di R.C.A. lo no "presenta cu man bashi", ora cu e miembronan ariba e siguiente fiesta di carnaval di dia 25 di Januari puntra unda nos candidatanan ta? E candidata cu sali Reina di R.C.A. pa 1963 ta hanja dos pasashi ida y vuelta pa Puerto Rico, cu un pago pa estadía di 6 dia den Caribbean Hilton-Hotel.

## No tin scooter mas den Lago

San Nicolas, 3 Januari.  
Entrante promer di e luna e directiva di Lago a prohibi e uso di scooter den e territorio di e refinaderia sepa transportacion of pa trabao. Tur e vehiculonan aki cu antes tabata worde usa na gran escala den Lago, awor a worde remplasa pa autonan chikitu, manera 32 Fiat Sedan y 168 Austin "Seven". E Austin-seven a worde introduci na luna di October 1961 na Lago pa un prueba cu cuater di nan. Nan tabata asina bon, cu awor 168 "Mighty Midgets" ta worde usa na Lago. Aunke mas cara cu scooter, directiva di compania tabata di opinion di cambia e scooternan pa auto, pa motibo cu nan ta duna e chauffeurnan un seguridad mas grandi y tambe mihor proteccion contra solo y awa. Na anja 1961 dos di e tres accidentenan grave di trabao ta ta resultado di accidentenan cu scooter.

Diadomingo anochi un grupo di e sobrevivientenan di Lakonia cu a hundi a jega Amsterdam pa tuma avion pa bai Grecia. Riba e portret nos ta mira un parti di nan na nan jegada na Schiphol.



**OFICINA MARITIMA DE ARUBA**  
Tel.: 2664-1622  
Empaquetamento di Muebles.



**MUEBLES DANES**  
-Traha di madera exclusivo  
-Bunita estilo  
-Colornan unico  
Drenta un rato, admira nan sin ningun compromiso!  
  
Pa muebles fini bo adres ta  
**MESKER ARUBA N.V.**



**CITACION**  
Se cita a las damas del Cuerpo Consular con carácter urgente, a una reunion que tendrá efecto en la Sede del Consulado General de Panama el proximo Sabado 4 de Enero de 1964, a las 5 p.m.

**NOBO NOBO NOBO NASSAUSTR. No. 34**  
Nos a caba di ricibi for di Suiza e famoso telanan „Clocke“, especialmente pa bunita bistrir di fiesta. Tambe Brocaat, y katuna „Drip-Dry“, den bunita disenjos. Panja pa flus y pa saya small. Chiffon cu disenjos. Tur e telanan aki serca nos semper ta mas barata!

Servicio rapido y prijs razonable!  
Pa furamento di sientro di bo auto, tambe dak y portanan.

**DELEGACION SOVIETICO NA CUBA**  
Un delegacion di partido comunista Ruso Sovietico ayega Cuba. E delegacion ta bou di direccion di Nicolai Podgorny kende ta secretario di e comite central di e partido Ruso.



## Dokter Leo ta bai Hulanda pa studia

Oranjestad, 3 Januari.  
Dokter John R. Leo, cu na Januari 1963 a bolbe cu su senjora na Aruba, net despues di a termina su estudio pa dokter na Hulanda, lo bai for di Aruba pa basta tempo atrobe.

E ta bai Hulanda pa studia serca profesor A. Nuboer na Academische Ziekenhuis na Utrecht. Dokter Leo kier especializa su mes den chirurgia en general, un estudio cu ta dura mas cu seis anja. Como reemplazante di dokter P.C. Harting lo e keda te dia 24 di e luna aki na su practica na Noord. E estudio na Hulanda lo worde haci ariba gasto propio di dokter Leo.

E mediconan Arubiano cu anterlormente ya a caba nan estudio ta defunto dokter Eloy Arends, defuntunan dokter Horacio, Jacobo y Francisco Oduber, defunto dokter P.I. (FON) Henriquez, y tambe dokternan J.R.(Coco) Arends y Hubert Denert. Pero dokter Leo ta e promer cu ta bai especializa su mes. E ta spera di bolbe Aruba despues di caba su estudio.

**BARBEQUE GRILL**  
den diferente tamanjo cu wiel y masha duradero. tambe: set di forki y tong, ice-jugs y ice-chest prijsnan masha razonable  
pasa awe mes na  
**ACME STORE**  
tel. 5381-5384 San Nic.

a caba di jega un cosmetico nobo  
**PINO SILVESTRE**  
jabon - puero - talco  
colonia - bathoil -  
desodorante  
pasa laga nos duna bo un demostracion na  
**La Linda**

## Atentado riba president Nkroemah a fracasa

Accra, 3 Jan. Ayera a ser comete un atentado riba bida di president Nkroemah di Ghana segun a ser anuncia awe oficialmente na Accra.

Nan a los cinco tiro riba dje pero e presidente a keda ileso. Un miembro di su guarda sin embargo si a keda herida y a muri despues den un hospital. E atentado a tuma lugar un poco pafor dje edificio den cual gabinete di gobernador ta situa. E tironan tabata masha cerca dje president di 54 anja ora cu esaki a subi den su auto. E malhechor a ser detene inmediatamente.

Un promer atentado cometi riba Noekroemah a tuma lugar dia promer di agosto di 1963. E tempu ey nan a lansa un bom riba su auto door di cual varios espectador a muri.

Dia ocho di januari di anja pasa bom a explota mei mei di un multitud cu tabata aplaudi e president ora cu el a sali di un reunion politico massal na Accra.

Dia 9 di september di 1962 mas di 60 persona a keda herida na un explosion cerca dje residencia dje president.

### REY HOESSEIN TOCANTE

#### VIAHE DI PAPA

JERUSALEN, 3 Jan. E venidero bishita di Papa Pablo no solamente ta un acontecimentu historico pa Palestina pero pa mundu henter.

Segun Rey Hoessein di Jordania a bisa na un conferencia di prensa qu el a tene pa mas di mil periodista qu a llega Jerusalem pa e bishita Papal. E Rey Jordanes a declara qu e bishita di Papa ta habri un temporada nobo pa cooperacion y comprension entre Islam y Christianidad. Riba un pregunta acerca di eventual posibilidadnan di mediacion tocante e kestion qu Israel pa e awa den riu Jordaan Rey a contesta qu e bishita di Papa no tin ningun aspecto politico.



### Desgracia di trein na Cairo

Cairo, 2 Jan. 32 Persona a muri, ora cu un bus a dal awe mainta trempan den un trein djtes pafor di Cairo, capital di Egypto. Parce cu tin 23 persona herida. E bus a keda destrui bou di wielnan di e trein y nan mester a hisa e wagonnan di e trein na laira pa saca e victimanan for di e restunan di e bus.

### NOTA RUSO ENTREGA NA ALEMANIA OCCIDENTAL

LONDEN, 3 Jan. Gobierno Ruso a manda notanan pa un cantidad di paisnan occidental entre cual Ulanda tocante areglo pacifico di kestionnan territorial. Asina a ser anuncia di fuente autorisa na Londen. E nota manda pa Gran Bretania ta conta 21 pagina. E embahador Rusiano na Washington Dobrynin awe a entrega ne ministerio Mericano di exterior un mensahe personal di Chroesjef na president Johnson.


Un famia Ingles di shete persona a keda isola ocho dia largu durante e recien bringamentunan entre Turco y Griegonan na Cyprus. Forza aerea Ingles porfin a logra pa entrega cuminda y otro necesidadnan serca e famia cual nan tabatin hopi mester di nan. Aki nos ta mira e famia para riba e balkon dorna cu e bandera Ingles.

### Cambio di aña na Brasil

Rio de Janeiro, 2 jan. - E penultimo dia di anya 1963 tabata tumultoso na Rio de Janeiro. Ayera tardi estudiantenan cu tabata Carlos a stroba gobernador Demos Lacerda pa drenta den e edificio di facultad di letras, unda e mester a asisti na un ceremonia di entrega di diplomanan na periodistanan cu a caba di alcansa nan diploma.

Despues di a warda tres ora e gobernador a bai cas back.

Mas den anochi tabatin incidentenan na e debatenan final di e conseho legislativo di Guanabara, cualnan a resulta den peleanan man na man.



### Economia di China den bon direccion

Peking, 2 jan. - E corant popular di Peking ta scribi cu e tarea principal di gobierno chine ta concentracion y mecanisacion di agricultura den territorionan cu pa loque ta clima ta situa mas favorable.

E pais pronto lo ta liber di debenan. Mayoria di e prestamonan serca Union Sovietica ta paga. Na anya 1963 economia nacional a tuma un buelta den bon direccion. Produccion agriculatural ta aumenta rapidamente y esey ta favorable pa un demas desarrollo di industria.

Produccion petrolera practicamente ta cubri e propio necesidad di e pais.

Na Los Alamos Scientific Laboratory, New Mexico nan a construi un termos pa hidrogeno lyquido. Aki nos ta mira empleadonan di Chicago Bridge durante e construccion di e tanki aki cu ta traha manera un termos pa tene e hidrogeno su temperatura abao. E lyquido ta worde usa pa combustible pa raketnan. E globo cu ta worde baha aki por contene 100.000 gallon di hidrogeno y ta completamente di aluminium.

## Chroesjef na Polonia pa un bishita no oficial

Warschau, 3 Jan. E promer minister Ruso, Chroesjef awe a llega Varsovia pa un bishita no oficial dia algun dia na Polonia na Varsovia.

Segun e agencia Polaco diprensa PAP Chroesjef a wordu invita

pa Gomoelka y Cyrankiwitsj. Nan ta spera na Polonia cu e congreso di partido comunista lo ser tene aki 3 o 4 luna y cu e lidernan Ruso y Polaco lo kler delibera cual actitud Polonia lo tuma en bista dje lucha di China Comunista pa sympathya di paisnan Africano menos desarrolla y estadonah Latino Americano. Nan ta sospecha cu nan lo papia tocante e plan Gomoelka, den cual ta ser propone un zona liber di arma nuclear den central Europa y rebaho dje armamentu convencional den e territorio aki. E iniciativa Polaco ta den estudio cerca paisnan occidental.

## Plebecito na Ghana

Accra, 2 Jan. Presiden Nkroemah di Ghana a declara cu di 24 te 31 di januari proximo nan lo tene un plebecito na Ghana pa obtene aprobacion pa cambionan constitucional door di cual Ghana lo bira oficialmente un pais cu un solo partido.

E cambionan constitucional relaciona lo duna e president tambe derecho, pa retira miembronan dje corte supremo di justicia na cualkier momento desea. Si e poblacion ta di acuerdo cu e sistema di un solo partido, e partido di Nkroemah cu actualmente ta goberna, lo por sigui cu gobernacion sin oposicion.

## SOEKARNO Y MALEISIA

DIAKARTA, 3 Jan. President Soekarno di Indonesia awe a ordena forzanan Indones di guerra pa haci mas esfuerzo pa destrui Maleisia.

Soekarno a duna orden na un reunion dje comando supremo operacional den palasio Merdeka na Djakarta. E comando ta contene ministernan altu di gabinete y comandantenan dje tres partinan di forzanan di guerra y nan stafnan.

## Renuncia di puesto na Argentina

BUENOS AIRES, 3 Jan. Minister di defensa di Argentina Leopoldo Suarez, a ofrese president Arturo Illia su retiro. Su retiro ta sigui esun di secretario di estado pa aviasion Martin Cairo, cu diamars pasa a renuncia su puesto.

E conflicto entre minister y secretario di estado a conduci qu e secretario a desafia e minister pa un duelo.

President Illia awe a rechaza e peticion di retiro di Dr. Suarez y a segura den su puesto.

## CURSUS SUCCES

Na Januari Curso nobo di:

Steno, Hulandes - Ingles y Spanjo

Handels-correspondentie; Hulandes - Ingles y Spanjo.

Boekhouden

Idiomanan stranjo manera Ingles y Spanjo

Pa type bo por inscribi tur dia. Candidatnan cu drup pa examen di type, ta sigui haya les COMPLETAMENTE GRATIS te ora nan slaag. Acudi awe mes na CURSUS SUCCES, Nieuwstraat 6, tel. 1534 y na Santa Cruz, Papillon 53.

CURSUS „SUCCES“

Nieuwstraat 6,  
Tel. 1534-Oranjestad.

## Cyprus ta pidi reunion di conseho di seguridad

New York, 3 Jan. Cyprus a pidi conseho di seguridad pa reuni mayan pa papia tocante e recien desarollonan riba e isla. Siman pasa diabierne e conseho

a conferencia durante ora y mei dje acontesimentunan na Cyprus a bai fol otro pa un tempu sin limite sin di a tuma ningun decision.

E delegado di Cyprus, Rossides a declara ayera cu e ta desea algun forza di intervencion di Nacionnan Uni na Cyprus.

Un bosero dje delegacion di Cyprus cerca Nacionnan Uni despues a participa en relacion cu cierto desarollonan di no kler a acentua e peticion. E no kler a duna mas informacion dje calidad dje cierto desarollonan.

## SPIONNAN PRESU

Comandante di polis na Oost-Borneo Indones awe a declara na un conferencia di prensa na Djakarta, qu nan a cohe en cantidad di spionnan Britanico entre cual algun muher masha bunita presu na Oost-Borneo Indones. E spionnan a drenta di Saba (ex Noord Borneo) den e pais pa obtene datonan tocante forza dje poblacion di teritorionan di frontera.

## Ex-secretario di estado

### Argentino ta rabia

BUENOS AIRES, 3 Jan. Coronel Marin Cairo, kende ayera a retira como secretario di estado pa aviasion pa motibu di un conflicto qu e minister di defensa, Leopoldo Suarez, awe a manda su testigunan pa e minister pa termina e conflicto den un duelo. E ex secretario di aviasion ta haya qu el a worde ofendi pasobra e minister di defensa, sin consulta cu ne, a dirigi su mes na e hefe di personal di aviasion qu un lista di recomendacion pa haci ocho coronel general, mientras cu e mes a traha un lista cu 17 number. Den circulanon politico na Argentina ta worde calcula, qu president Illia lo interveni pa evita e duelo, qu ta worde prohibi pa ley Argentino.

## Mr. A. Leydesdorff a muri

AMSTERDAM, 3 Jan. Mr. A. Leydesdorff, hues den Derde Kamer di Arrondissementsrechtbank na Amsterdam, a muri ayera mainta den palacio di husticia a consecuencia di un ataque di curazon.

E tabata na caminda pa un sesion di Derde Kamer. Mr. Leydesdorff tabata for di aña 1951 te aña 1954 miembro di corte di husticia na Surnam.

Un bista for di Nicosia: militarnan ingles cu a worde transporta cu avion pa Cyprus, aki a tuma puesto riba un dak di un hotel for di unda nan por mira e barrio turco di Nicosia.

## De Gaulle serca Mariscal Juin

PARIS, 3 Jan. E president Frances, general De Gaulle awe a bishita mariscal Laphonse Juin, e unico mariscal na Francia cu ta na bida ainda, den e hospital "Val de Grace", na Paris.

E mariscal di 75 aña a keda hospitalisa dia di nochebuena despues di un atake di curazon. Segun un boletin medico, e general tabatin un noche sosega.

General De Gaulle y mariscal Juin ya ta amigo y 50 aña, apesar di diferencianan di opinion tocante e kestion di Argelia.

## Victimanan di vuurwerk na Filipinas

MANILLA 3 Jan. Varios persona a muri na Manilla durante celebracion di aña nobo pa incidentenan causa pa vuurwerk y tiramento. Den hospital den capital Filipina tin cientos di persona cu heridanan chiqui, causa pa tiramentu di vuurwerk, segun a ser anuncia.

## Holanda tambe a hanp un nota Ruso

DEN HAAG, 3 Jan. Un bosero dje ministerio di exterior na Den Haag a contesta riba e pregunta, si tambe gobierno Ulandes a ricibi un nota di Rusia, afirmativamente. Awe e nota a llega Ulanda y ta dan man di gobierno Ulandes. Tocante e contenido e bosero no por a duna ningun participacion.

## TERITORIO INSULAR DI ARUBA

Ontvanger di Teritorio Insular di Aruba ta participa, cu for di dia 2 di januari 1964, a cuminsa cu cobramentu di belasting 1964 pa VEHICULO DI MOTOR Y BOTO DI MOTOR.

Prijs pa un stel di plachi ta costa awor;

1. Pa vehiculonan cu mas cu tres wiel f.l.-- ademas f. 0,50 pa e plachi di control;
2. Pa motorcicleta f. 0,75;
3. Pa boto di motor f. 5,50.

## TERITORIO INSULAR DI ARUBA

Ontvanger di Teritorio Insular di Aruba ta participa na esnan cu no a paga nan abono di telefoon di luna di december 1963, cu aanmaning lo ser poni na post dia 6 di januari 1964 y cu for di dia 7 di januari 1964 lo cuminsa cobra gastonan di aanmaning pa e luna menciona.

## CONSULTAS GRATUITAS CENTRO "ACUARIUS"

Espiritismo, Ocultismo, Videncia, Astrologia, Telepatia, Mediumnismo, Quiromancia. Atiende personalmente el más célebre Médium RADAR HUMANO que ha asombrado al mundo entero. UNICO CENTRO GARANTIZADO Y AUTORIZADO.

Instalado en la mitad del mundo: en Quito, Luz de América, a petición de millares de personas que han obtenido éxito en todos sus problemas.

## SERIEDAD Y CUMPLIMIENTO ESTRICTO.

Escriba usted también, comunice sus problemas, y le resolverán rápida y sablamente; no importa la distancia para este famoso médium: le hará un examen general de su vida pasada, presente y futura transportándose a su hogar y con sus facultades sobrenaturales verá todo cuanto pasa en su vida y le defenderá de todo mal y peligro convirtiéndose en el ser más feliz de la Tierra.

Da suerte, poder, dominio, salud, negocios, amor, sabiduría para vencer y dominar a sus enemigos, defensas contra peligros, daños y maleficios, cierra y cura su cuerpo de daños hechos; atrae al ser amado y devuelve la felicidad, secretos para ganar en la lotería y en el „5 y 6“, cura toda enfermedad conocida y desconocida con la milagrosa „jalea real“, que rejuvenece, vigoriza y da fuerzas.

Escriba hoy mismo enviando su fecha de nacimiento, líneas de las palmas de sus manos, y el nombre de un amigo o familiar fallecido y Un Bolívar en estampillas al célebre doctor:

### NOTA IMPORTANTE:

Envíe sus Cartas únicamente al APARTADO 1131. En Quito, Ecuador. Al Dr: Kler Acuaris. En donde se encuentra el verdadero CENTRO ACUARIUS.



## Mineronan Aleman encerra Embahador Ruso den mina pronto a sali y Americano na television

Aken, 3 Jan. Door di un derumbamentu di piedra den un pasillo di un mina na Wuerselen, cerca di Aken, awe seis minero a keda encerra di sobra dje pais. Nan a keda lieso apesar dje derumbamentu. Actividadnan di rescate ta tumando lugar. E equiponan di rescate tambe

ta den contactò continuo cu e mineronan encerra.

E mineronan ta presu na un profundidad di 530 meter den un pasillo di seis meter largu y ta mantene contacto cu nan rescadornan via un pipa cu ta pasa den e pasillo.

E equipo di rescate ta spera di por pasa den 24 ora door di un muraja di seis meter dje piedranan cu a cai den otro.

Alcontrario di loke nan a spera e seis mineronan despues di algun ora a logra pasa door dje piedra y ta den seguridad actualmente. Nan a psa door di un pasillo smal bou dje riel pa transporte di carbon, cu e equipo a lobra caba. Tambe e mineronan encerra a caba e base di indicacionnan duna pe equipo di rescate, ya realisa e salida di emergencia. Tur seis tabata sano y salvo.

KOPENHAGEN, 3 Jan. E embahadornan di Union Sovietica y Kopenhagen a presenta ayera huntu riba pantaya di television Danes.

Nan a tene un combersacion social tocante situacion internacional, y tabata di opinion cu e perspectivonan pa 1964 ta duna gran esperanza.

### Mericanonan ta prohibi revista Ruso

Washington, 2 Jan. Merca a prohibi circulacion di un revista Ruso na un exhibicion Ruso na Filadelfia, pasombra e Rusonan a prohibi circulacion di un revista Mericano na un exposicion Mericana na Moscu.

Asina funcionarionan di e ministerio di exterior a participa.

Merca a protesta en vano contra e prohibicion di Rusia pa e revista Mericano "Amerika" circula na e exposicion Mericana, asina a worde bisa.



### Saludona di aña Nobo pa Rusia

LONDEN, 3 Jan. Radio Moscu ta anuncia, cu e president di e partido comunista Chines, Mao Tse Toeng y otro lidernan Chines den un mensaje na e lidernan Sovietico en coneccion cu cambio di aña ta acentua e amistad inquebrantable entre Union Sovietica y republica popular di China (China comunista). Den e mensaje dirigi na prome minister Chroestsjow y president Brezjnef felicitacionnan cordial ta worde dirigi na e lidernan Ruso, e pueblo hermano sovietico, partido comunista Ruso sovietico y gobierno sovietico

### GANGSTERNAN NA HAPON


Segun un rapport di polis Hapones gangsternan organisa na Hapon ta consisti di 180.000 persona. Esaki ta cincuenta mil mas cu e cuerpo di polis na Hapon.

E estudiantenan di 20 anja Maarten A. Poolman tabata e di dos millon bishitante di Eiffeltoren na Paris e anja aki. Esaki ta di prome biaha cu denter di un anja dos millon hende a bishita e lugar y na ocasion di esey Maarten a hanja ademas di un Eiffeltoren na miniatura tambe un viaha pa Cannes pa dos persona den un di e hotelnan mas grandi. Riba e portret aki nos ta mira Maarten huntu cu sr. Legrin Eiffel, nieto di e constructor (robez) y sr. Raffegau, presidente di e compania.

### De Gaulle conmove

Paris, 2 Jan. E corant vespertino "Paris Press" ta sigurá awe bou di un titulo riba shete columna, cu De Gaulle ta conmove pa Alemania. E corant conservativo ta bisa cu un di e motibonan cu De Gaulle ta conmove ta e nota di Alemania Occidental di dialuna den cual entrega di ex coronel Argoud, e lider di e organisacion di ehercito secreto cu a worde secuestra for di Muenchen, ta worde exigí. Un otro motibu tabata e promesa di canceller Erhard na president Johnson di Merca pa establecimiento di un comision comun Aleman-Mericano pa interpreta e nificacion di e acuerdonan di Brussel y pa investiga con leu e acuerdonan ey ta tene cuenta cu deseonan di Merca.

Un bista mas di Rodia su obra cultural. Door di un buracu den e muraya por observa un edificio manera un casita di jardin mei mei di e forman di heru.



# AGENDA

## ARUBAANSE COURANT

diariamente cu excepcion di diadomingo

subscription 1. 3.25 pa luna edicion los 20 ct.

edita pa:

N.V. Arubaanse Drukkerij - en Uitgevers- en Publiciteits Mij.

imprimi na:

N.V. Drukkerij „de Stad,,

Telefoon 1116 Directiva y redaccion, 2116 Anuncio y subscription.

Directeur hoofdredacteur: D. Wolff.

## CINE

Vrijdag 3 Jan:

De Veer: 8.30 p.m. "Maciste Zoon van Herkules" '18 j

Rialto: 8.00 p.m. "Piccadilly Third Stop" '18 j

Principal: 8.00 p.m. "The Black Pirate" '18 j

Aurora: 8.00 p.m. "Black Gold" all

Savaneta: 8.00 p.m. "Day's of Wine and Roses" '18 j

## BOTICANAN DI WARDA

Oranjestad: Botica del Pueblo

Tel: 1253-2154.

San Nicolas: Botica San Lucas

Tel: 5119

## WIT-GELE KRUIS

Oranjestad: Zr. Ewolda  
San Nicolas: Zr. Perpetua  
Santa Cruz: Zr. Ludovic

## DOKTERNAN DI WARDA

Oranjestad-Noord: Dr. J.R. Leo  
San Nicolas-Sta Cruz-Sav: Dr. J.G. Janssen

## RADIO CARACAS TELEVISION

Diabierne 3 Januari.

- 8.45 Senderos de luz
- 9.00 Cajas con sorpresas
- 9.30 Jardín de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monteverde
- 15.15 Perfecta ama de casa
- 15.45 Aventuras Popeye y Yeyo
- 16.15 Mejias y sus muchachos
- 16.45 Busque su marca
- 17.15 Comedy Capers
- 17.45 Noticias
- 17.50 Papa lo sabe todo
- 18.30 Extraño mundo del Pantano
- 19.00 Revolver a la orden
- 19.30 Nuestra Peggy
- 20.00 OEl observador
- 20.15 Novela
- 20.30 Craneoteca de los Genios
- 21.00 Pánico
- 21.30 Las enfermeras
- 22.30 Noticias
- 22.35 Cine para todos

## TELE-ARUBA

Diabierne 3 Januari.

- 05.30 Cartoons
- 06.00 Israel Presents
- 06.45 Papiamento Newscast Live & Filmnews
- 07.00 Gunsmoke
- 07.30 Sports News
- 07.45 Frankie Laine
- 08.15 Dangerous Robin
- 08.45 English Newscast Live & Filmnews
- 09.00 Perry Mason
- 10.00 Sign off.

E ehemplo mas extraordinario di arte folklorico na Merca ta probablemente e estructura conoci como Watts Towers, construi pa un emigrante Italiano banda di Los Angeles. Durante 33 anja Simon Rodia un ponedor di mosaico di profesion a construi algu grandi y bunita completamente su so, pa su patria nobo. E resultado tabata e forma aki di spiralnan. Apesar cu Rodia mes a perde interes den su trabao, interes publico pa su obra di man a aumenta considerable ultimo tempu.



Un bista di e accidente di trein cu a tuma lugar na Rotterdam diadomingo u.p. Un trein di

carga a dal den un trein di pasahero. E danjo material tabata hopi

grandi, pero afortunadamente no tabatin victimanan.



**DICK TRACY**

pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANTARIO.



**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di

**FRIESCHE VLAG**

lechl evaporado y lechl en polvo

**MAXWELL HOUSE KOFFIE.**



**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba




**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.



**FRANCIA NO TA ENTREGA ARGOUD**

Paris, 2 Jan. - Francia no tin intencion pa entrega e ex lider di e organisacion di ehercito secreto, ex coronel Argoud, kende dialuna a worde condena na castigu perpetuadi prison, na Alemania. Asina a worde informá na Paris.  
A worde bisa, cu gobierno frances ta decidido pa laga Argoud pasa su castigu. Parce cu Argoud no por haci pretencion riba asilo politico na Alemania West, ya cu e tabata biba eynan bou di un nomber falsu.

**Grecia ta dirigi su mes serca NAVO**

Atenas, 3 Jan. Grecia a dirigi su mes na NAVO cu e peticion pa stroba cada accion unilateral di e turconan na Chipre. Tantu Grecia como Turquia ta miembro di NAVO.  
Den e peticion Griega ta worde bisa, cu e turconan ta reuni trupa y unidadnan di flota bou di e pretexto cu ta trata di transport di bapornan di un haaf pa otro.

E conseho permanente di NAVO a reuni pa un ora pa trata e peticion Griego pa trata pa evita cada accion di un solo banda dje turconan na Cyprus.  
E reunion mester a worde suspende pa tres cuarto di ora, pasombra e delegado Ulandes Dr. Boon no tabata presente na tempu. Un bosero a bisa despues, cu representantenan dje tres potencianan cu tabata relaciona cu e

keston Cyprus a pone su conseho na altura dje recien desarrollo nan riba e isla. El a ninga di duna mas informacion riba lo cual nan a delibera y cu lo sigui despues dje conferencia.  
Foi Paris a ser anuncia cu e conseho permanente di NAVO awe riba peticion di Grecia lo reuni pa papia tocante situacion na Cyprus. Grecia a muestra aliancion di NAVO tambe riba e peligernan cu e desarrollo dramatico na Cyprus tin cu né.  
Grecia ta di opinion, cu un cambio di forza di forsanan Griego o Turco di guerra na Cyprus padilanti mester wordu aproba pa general Peter Young, comandante Britanico di tur forsanan di guerra na Cyprus, cu ta carga

**HOROSCOPO PERSONAL**

pa diasabra 4 januari.

**ARIES** 21 maart - 20 april  
Influencianan di planeta ta hasi posibel pa bo enfrenta situacionnan dificil. Paga extra atencion e weekend aki na sernan queri.

**TAURUS** 21 april - 21 mei  
Situacionnan cu ta presenta awor aki, probablemente lo hasi bo cambia bo opinion. Bisa otronan kiko bo ta desea y actua rapido pa provecha.

**GEMINI** 22 mei - 21 juni  
Trata pa hanja un bista noboriba finanzas y waak caminda bo por aumenta bo entradanan. Tin un aspecto favorable pa negoshi.

**CANCER** 22 juni - 23 juli  
Abo tin iniciativa awor, bisa otronan exactamente con bo punto di bista ta. Bo deseo pa cambionan lo ta grandi, percura pa bo coopera.

**LEO** 24 juli - 23 augustus  
Algun dia ketu lo juda bo hopi. Bo tin hopi cos di hasi y bo mester tuma extra sosiego, percura pa bo no bira nervioso.

**VIRGO** 24 augustus - 23 september  
Awe mainta por tin comersacionnan importante pa bo. Mantene e contacto cu personanan cu kier bo bon y hendenan cu kier juda bo awor.

**LIBRA** 24 september - 23 oktober  
Actualmente bo ta acercando e mihor periodo di e luna aki pa contactonan cu bo superiornan. Prepara bo comersacionnan debidamente.

**SCORPIO** 24 oktober - 22 november  
Awor bo tin un bon idea di e situacion en general y bo por adapta bo na e opinionnan di otronan. Trata pa actua rapido si bo hanja un noticia favorable.

**SAGITARIUS** 23 november - 21 december  
Dedica poco atencion na cuenta nan y asuntunan di placa. Laga otronan paga nan parti di gastonan conhunto.

**CAPRICORNIUS** 22 december - 20 januari  
Laga otronan sali dilanti awor. Bo lo mester actua cu tacto awor si bo kier evita malcomprendimentu y reaccionnan desfavorable di otronan.

**AQUARIUS** 21 januari - 19 februari  
Otronan lo hanja masha natural pa bin serca bo pa conseho di ayudo. Joda si bo por, pero no tuma muchu cos riba bo lomba.

**PISCES** 20 februari - 20 maart  
Si bo pensa rapido bo por hanja ventaha. Paga hopi atencion na noticia y cartanan di cual bo por provecha y dedica atencion na sernan queri.

**Medida preventiva**

Fort Lauderdale, Florida, 2 Jan  
Recherche federal a pone beslag riba un avion na Fort Lauderdale, cu segun a worde informa a worde destina door di refugiadonan Cubano pa bombardea Havana mientras cu Dr. Fidel Castro ta dirigi palabra na un reunion den e capital Havana.  
Diasabra anochi recherche federal a intercepta un boto, cu segun nan a bisa, tabata transporta bonnan pa un base den Bahamas y cu tabata destina pa worde lansa for di un avion.

responsabilidad pa mantencion di orden riba e isla.  
E noticia aki ta bini despues di un anuncio di Athenas, cu gobierno griego a haci un apelacion riba NAVO pa evita cada accion Turco na Cyprus.